

喉痛 喉痺 喉風 喉癰 喉疔 喉疳 喉疔  
喉瘤 喉節 彈蛾 天白蟻瘡 鎖喉瘡  
結喉疔 梅核氣 小兒聲啞 音啞 傷寒喉腫  
病人瘥後喉中乾痛 魚鯁 食醋 啞喉  
自喉癰以下均在下卷查閱

瘍醫大全 卷十七

上

瘍醫大全目錄

卷十七

咽喉部

咽痛門主論

附方

喉痺門主論

附方

喉風門主論

附方

喉癰門主論

附方

喉癰門主論

附方

喉菌門主論

卷十七

目錄

頭天必書

喉疳門主論 附方

喉瘤門主論 附方

喉節門主論

單雙蛾門主論 附方

天白蟻瘡門主論 附方

鎖喉瘡門主論

結喉疳門主論

梅核氣門主論 附方

小兒聲啞門主方

音亞門主論

附方

傷寒喉腫門主論

病人癩後喉中乾痛門主論

附方

骨鯁門主方

食醋噎喉門主方

[The main body of the page contains several columns of text, which are almost entirely obscured by heavy, dark, diagonal smudges and scratches. Only faint vertical lines and some illegible characters are visible.]

瘍醫大全卷十七

燕湖顧世澄練江氏纂輯

堉錢之栢東陽

仝校

男 櫛燹用和

咽喉部

凡一切咽喉癰疽風痺音啞皆彙於此部中以便檢

閱參治



咽痛門主論

陳實功曰咽喉雖屬於肺然所致各有不同有虛火  
實火之分緊喉慢喉之說咽爲心肺肝腎呼吸之  
門飲食聲音出納之道此關係一身害人迅速虛  
火色淡微腫脉亦細微小便清白大便自利此乃  
思慮過多中氣不足脾氣不能中護虛火易於土  
炎咽隘乾燥飲食妨碍咳吐痰涎呼吸不利斑生  
苔蘚壘若蝦皮有如茅草常刺喉中又如硬物隘  
於咽下嘔吐酸水噓吐甜涎甚則舌上白胎唇生

舌色聲音雌啞喘急多痰以上現證皆出於虛火  
元氣不足中來治此不可誤用寒涼上午痛者屬  
氣虛補中益氣湯加麥冬五味牛蒡元參午後痛  
者屬陰虛四物湯加知母桔梗元參真柏如服不  
效必加薑附以爲引導卽佐治之法也實火者醇  
酒辛烈熱積於中久則火動痰生發爲咽腫甚則  
風痰上壅咽門閉塞少頃湯水不入聲音不出此  
爲喉痺緊喉風是也用藥不及事先用針刺喉間  
發泄毒血隨用桐油餞雞翎探吐稠痰務使痰毒

出盡咽門得鬆湯藥可入語聲得出乃止內服清  
咽利膈湯疎利餘毒如牙關緊閉難入必當先刺  
少商穴出血其閉自開如針刺探吐無痰聲如拽  
鋸鼻掀痰喘湯水不下語聲不出者真死候也難

治

正宗

又曰虛火得者名慢喉風實火得者名緊喉風

經曰凡喉閉不刺血喉風不吐痰喉癰不放膿喉痺  
喉蛾不針烙此皆非法

岐天師曰如虛火沸騰於咽喉口齒間用寒涼之藥

入口稍快少頃又甚又用寒涼腹瀉肚痛而上熱  
益熾欲用熱藥涼飲而病人不信不肯輕治乃用  
外治之法引之而愈方用附子一箇爲末米醋調  
成膏藥貼在湧泉穴上少頃火氣衰又少頃而熱  
止退變成冰涼世界然後以六味地黃湯火劑與  
之則火不再沸騰矣蓋此火乃雷火也見水則愈  
酷烈子不見雷霆之震濃陰大雨之時愈加震動  
驚天轟地更作威勢一見太陽當空則雨歇聲消  
寂然不聞矣又不見冬令之天地耶嚴寒霜雪冰

涼郊原雨雪霏霏陰風慘厲此天氣下行而地氣  
反上蓋下熱則上自寒也又不見夏日之天地乎  
酷日炎蒸蘊隆火熱燠木焚林燔湯沸水天氣上  
升地氣下降此上熱而下寒也人身虛火亦猶是  
也今既火騰於上則下身水冷今以附子大熱之  
藥湧泉引之者蓋湧泉雖是水穴水之中實有火  
氣存焉火注炎上而穴中正寒忽然得火則水自  
沸溫水溫則火自降同氣相交必歸於窟宅之中  
矣火既歸於窟宅又何至沸騰於天上哉此咽喉

口齒之火忽然消除有不知其然而然之妙此引  
又治之巧又當知之者此卽外施引火歸原之法也  
秘錄

戴氏曰護舌根而爛兩傍此名纏舌喉風須用羊毛  
筆蘸甘草湯洗之然後再吹藥

憑魯瞻曰咽喉者一身之總要水穀之道路也若胸  
膈之間蘊積熱毒致生風痰壅滯不散發爲咽喉  
之疾或內生瘡狀如肉腐窒塞不通吐燕不下如  
單肉蛾雙肉蛾及疔腫腫脹甚者內外皆腫上攻

頭面治宜先吐風痰以通咽膈然後解熱毒清肺  
胃遲則不救 錦囊

又曰咽瘡喉痛多屬虛熱血虛虛火游行無制客於  
咽喉也虛者八味地黄湯加牛膝五味子煎與食  
前冷服實者黃連荆芥薄荷薑汁硝蜜噙化喉痛  
治用荆芥陰虛火炎上必用立參有用茜草一兩  
作一服者以其能降血中之火也

又曰喉與咽不同喉者肺皖呼吸之門戶主出而不  
納咽者胃皖水穀之道路主納而不出蓋咽喉司

呼吸主升降此一身之繫開竅籥也經曰足少陰  
所生病者口渴舌乾咽腫上氣溢乾及痛素問云  
邪客於足少陰之絡令人咽痛不可緘食又曰足  
少陰之絡循喉嚨通舌本凡喉痛者皆少陰之病  
但有寒熱虛實之分少陰之火直如奔馬道衝於  
上到此咽喉緊鎖處氣鬱結而不得舒故或腫或  
痛也其證必內熱口乾面赤痰涎湧上尺脈必數  
而無力蓋緣腎水虧損相火無制而然須用六味  
地黃湯加麥冬五味子大劑作湯服之又有色慾

過度元陽虧損無根之火游行無制客於咽喉者  
須用八味腎氣丸大劑煎成水冷與飲引火歸源  
庶幾可救此論陰虛咽痛者如此治法正褚氏所  
謂上病療下也

又曰陰氣大虛虛火無制孤陽飛越客於咽喉遂成  
咽痛者脈必浮大重取必瀉去死則近宜人參一  
味濃煎細細飲之如作實證用以清降之藥禍在  
反掌愚用人參必同童便製附子同煎溫和食前  
頓服則監制虛火下歸乃愈如單用人參細細飲

之恐浮火益熾亦非穩當奈世人但知熱咽痛不  
知有寒咽痛也經曰太陽在臬寒淫所勝民病咽  
痛頷腫陳藏器用附子去皮臍炮製切片以蜜塗  
炙令蜜入內嚼碎以津甘味薑更易之仲景云下  
利清穀裏寒外熱脈微欲絕面赤咽痛以通脈四  
逆湯又曰冬月飲寒在於腎經發則咽痛下利附  
子湯溫其經則愈

又曰又有司天運氣其年鄉村相染若惡寒者多是  
寒寒折熱寒閉於外熱鬱於內切忌膽礬酸寒之

劑點喉反使陽鬱不伸又忌硝黃等寒劑下之反  
使陽陷入裏禍不旋踵須用表散若甘桔湯之類  
又曰有咽痛而諸藥不效者此非咽痛乃是鼻中生  
一條紅線如髮懸一黑泡大如櫻桃垂掛到咽門  
而止難以採取宜用土牛膝根卽鼓槌草獨條直而肥  
大者搗碎入好醋三五滴同研取濃汁滴入鼻中  
二三點卽刻系斷珠破吐出瘀血卽安

李東垣曰夏傷寒伏於腎少陰之經多咽痛者名腎  
傷寒也宜熱藥冷飲之